



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA BORARO (P3)

NGWANAITSEELE 2021

KAEDI YA GO TSHWAYA

MADUO: 100

Memorantamo o, o na le ditsebe di le 14.

KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]**ELA TLHOKO:**

- Dirisa ruboriki ka gale fa o tshwaya tlhamo ya boitlhamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a dithhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarowlana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAAKANYO (Tsibogelo le dikakanyo) -Thulaganyo ya dikakanyo tsa ipaakanyo -Temogo ya maitlhomo, baamogedi le bokao	Maemo a a kwa godimo	28–30	22–24	16–18	10–12	4–6
		- Tsibogelo ya maemo a a kwa godimo go gaisa a a tlwaelegileng - Dikakanyo tse di botlhale, tse di gwetlhlang mogopolole go supa kgolo - E rulagantswe le go lomagana ka maemo a dinaledi go tsenyeletsa matseno, mmele le bokhutlo	- Tsibogelo e e tlhamilweng ka matsetseleko - Dikakanyo tse di maleba tota gape di kgathisa le bosupi jwa kgolo - E rulagantswe bontle thata le go lomagana go tsenyeletsa matseno, mmele le bokhutlo	- Tsibogelo e e itumedisang - Dikakanyo di lomagane mo go tlhaloganyegang e bile go kgotsofatsa - E rulagane le go lomagana mo go tlhaloganyegang go tsenyeletsa matseno, mmele le bokhutlo	- Tsibogelo ya tomagano e e sa tlhomamang - Dikakanyo tse di sa tlhapang e bile di se na boitlhamedi - Bosupi jo bonnye jwa thulaganyo le tomagano	- Tsibogelo e e seng maleba gotlhelele - Dikakanyo tse di tlhakatlhakaneng, di tlhoka tsepamo, di gasagane le go boelediwa - Ga e a rulagana e bile ga e a lomagana
30 MADUO		25–27	19–21	13–15	7–9	0–3
		- Tsibogelo e e manontlholtlo, mme e tlhaela ditlhokego tse di tsibosang tsa tlhamo ya maemo a dinaledi - Dikakanyo tse di botlhale e bile di supa kgolo - E rulagantswe ka matsetseleko le ka tomagano go tsenyeletsa matseno, mmele le bokhutlo	- Tsibogelo e e tlhamilweng ka matsetseleko - Dikakanyo tse di maleba gape di kgathisa - E rulagantswe bontle le go lomagana go tsenyeletsa matseno, mmele le bokhutlo	- Tsibogelo e e itumedisang, mme e latlhiegelwa ke go tlhaloganyesega - Dikakanyo di lomagane le go kgotsofatsa - Maemo a a rileng a thulaganyo le tomagano go tsenyeletsa matseno, mmele le bokhutlo	- Bogolo jwa tsibogelo ga bo maleba - Dikakanyo tse di sa lomaganeng e bile di tlhakatlhakane - Ga go na bosupi jwa thulaganyo le tomagano	- Ga go na maiteko a go tsibogela setlhogo - Dikakanyo tse di seng maleba e bile di sa siama gotlhelele - Ipaakanyo e e sa tsepamang e bile e tlhakatlhakane

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele, tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a a kwa godimo	14–15 -Segalo, rejisetara, setaele le tlotlofoko di maleba thatathata le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Tlotlofoko e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Segalo se se maleba se dirisitswe ka tsepamo -Bogolo jwa yona ga bo na diphoso tsa thutapuo le mopeleto -Totlofoko e tlhamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Diphoso tsa thutapuo le mopeleto di dinnye -Tlotlofoko e lekanyeditswe	5–6 -Segalo, rejisetara, setaele le tlotlofoko bomaleba jwa tsona bo kwa tlase ga maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Diphoso tsa thutapuo le mopeleto di dintsisi -Tlotlofoko e lekanyeditswe thata	0–3 -Segalo, rejisetara, setaele le tlotlofoko ga di maleba le maikaelelo, baamogedi le bokao -Puo ga e tlhaloganyege -Segalo ga se maleba gothelele -Diphoso tsa mopeleto di dintsintsi -Tlotlofoko e nnye thata mme e dira gore go nne thata go tlhaloganya
		13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -Tlotlofoko e tlhamilwe ka manontlhotlho	10 -Puo e e ngokang e bile e nonofile ka kakaretso -Diphoso tse di mmalwa tsa thutapuo le mopeleto -Tlotlofoko e tlhamilwe bontle	7 -Tiriso ya puo e e mo magareng, ka go tlhoka tsepamo -Diphoso tsa thutapuo le mopeleto di lekanyeditswe -Tlotlofoko e lekanyeditswe	4 -Tiriso e e bokoa ya puo -Diphoso tsa thutapuo le mopeleto di dintsintsi -Tlotlofoko e e lekanyeditsweng tota	
KAGEGO Diponagalo tsa setlhanga Kago ya ditemana le go tlhangwa ga dipolelo 5 MADUO		5 -Kago e e manontlhotlho ya dintlha -Dipolelo, ditemana di bopilwe bontlentle -Dinthana tse di tlhaolegileng	4 -Kago e e latelanang ya dintlhana -Dipolelo, ditemana, di latelana, di a farologana -Dinthana tse di lomaganeng	3 -Kago ya dintlhana tse di maleba -Dipolelo, ditemana tse di bopilweng sentle -Tlhamo e sa ntse e na le tlhaloganyo	2 -Go na le dintlha dingwe tsa kago tse di amogelesegang -Dipolelo le ditemana di fosagetse -Tlhamo e na le tlhaloganyo e nnye	0–1 -Dintlha tse di botlhokwa tsa kago di a tlhaela -Dipolelo le ditemana di fosagetse -Tlhamo e tlhoka tlhaloganyo

KAROLO YA B: RUBORIKI YA TLHATLHOBO YA SETLHANGWA SA TIRISANO [Maduo a le 25]

Ditlhokego	Phitlhelelo ka dinaledi	Phitlhelelo ka matsetseloko	Phitlhelelo ka tekano	Phitlhelelo e e tlhaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhomo, baamogedi, diponagalo/melawana le tiriso	13–15 -Tsibogelo ya maemo a a kwa godimo go gaisa se se lebeletsweng ka gale, e bontsha kitso e e tseneletseng ya diponagalo tsa mofuta wa setlhangwa -Dikakanyo tse di botlhale, tse di gamogileng di totile setlhogo -Diteng le dikakanyo di lomagane bontle -Tlhaloso ya maemo a a kwa godimo e bile dintla tsotlhе di tshegetsa setlhogo -Sebopego se se maleba gape se nepagetse	10–12 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane -Dintla tse di thadisitsweng sentle gape di tshegetsa setlhogo -Sebopego se se lolameng ka diphoso tse dinnye	7–9 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gothe – go na le go eta e fapoga mo setlhogong -Diteng le dikakanyo di lomagane mo go utlwlang -Dintla dingwe di tshegetsa setlhogo -Sebopego se se maleba ka kakaretso fela go na le go sa nepagale go go rileng	4–6 -Tsibogelo e e supang kitso e e kwa tlase ya diponagalo tsa mofuta wa setlhangwa -Go na le tsepamo e e rileng mme kwalo e fapogile setlhogo -Diteng le dikakanyo ga di lomagane ka gale. -Ke dintla tse di mmalwa tse di tshegetsang setlhogo -Tiriso e e phathhaletseng ya melawana ya sebopego le go tlodisiwa matlhо go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintla di le mmalwa fela tse di tshegetsang setlhogo -Ga go a dirisiwa melawana ya sebopego
MADUO 15	9–10	7–8	5–6	3–4	0–2
PUO, SETAELE LE GO TSELEGANYA/RUNA Segalo, rejisetara, setaele le tlotlofoko tse di maleba thatathata le maitlhomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto MADUO 10	 -Segalo, rejisetara, setaele le tlotlofoko tse di maleba thatathata le maitlhomo, baamogedi le tiriso -Thutapuo e nepagetse e bile e agegile sentle -Puo e e se nang diphoso gotlhеlele -Tlotlofoko ke ya maemo a a kwa godimo.	 -Segalo, rejisetara, setaele le tlotlofoko tse di maleba thata le maitlhomo, baamogedi le tiriso -Thutapuo e nepagetse ka kakaretso e bile e agegile sentle -Bogolo ga go na diphoso mo puong -Tlotlofoko e e siameng tota	 -Segalo, rejisetara, setaele le tlotlofoko di maleba le maitlhomo, baamogedi le tiriso -Go diphoso dingwe tsa thutapuo -Diphoso tsa puo ga di kgoreletse bokao -Tlotlofoko e e lekaneng	 -Segalo, rejisetara, setaele le tlotlofoko di fosagetse go le gonne go maitlhomo, baamogedi le tiriso -Thutapuo e e sa lolamang ka diphoso tse dintsi -Diphoso tsa puo di kgoreleditse bokao -Tlotlofoko e e lekanyeditsweng	 -Segalo, rejisetara, setaele, tlotlofoko ga di tsamaisane le maitlhomo, baamogedi le tiriso -E phephetha ka diphoso gape e tlhakatlhakane - Bokao bo kgoreletsegile tota -Tlotlofoko ga e maleba go maitlhomo

KAROLO YA A: TLHAMO

POTSO 1

Mokgwa wa go tshwaya tiro ya boitlhamedi:

Tlhamo ga e a tshwanelo go tlhoka sesupo sa gore e buisitswe e bile e abetswe maduo jaaka go tshwanetse. Maduo a a abetsweng tlhamo a tshwanetse gore a nne le sesupo sa gore a fitlheletswe jang.

Tlhamo ga e tshwane le tshobokanyo ka tekanyetso e e gagametseng ya mafoko, yona ke tiro ya boitlhamedi. Fa tlhamo e elela ka boitlhamedi le go ngoka mmuisi, ga go a siama go tota mogopolo mo boleeleng jwa yona fela mme go itlhokomolosiwa diteng. Molawana o o tlhamaletseng ke go re:

- Go se nne le dikothlao tsa tlaleletso tse di newang gonne ruboriki e na le dikotlhao ka bo yona.

1.1 Tlhamo ya kanelo

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Motsotso o o neng wa fetola botshelo jwa me.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana gentle, mme mmuisi a dumele gore di diragetse.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka bottlalo jaaka pono, modumo, monkgo le tiriso ya ditemosi tse dingwe.
- Bokhutlo e nne jo bo kgodisang.

Se se lebeletsweng mo batlhathlweng:

- A kwale ka ga setlhogo se a itlhophetseng sona.
- A tlhalose setlhogo.
- A supe boitshimololedi.
- A tlhagise letlha, letsatsi, kgwedi, ngwaga le nako.
- A tlhalose ka moo botshelo jwa gagwe bo neng bo le ka teng pele bo fetoga.
- A tlhagise motsotso oo gore ke ofe.
- A tlhagise ditiragalo tsotlhe tsa motsotso oo jaaka di diragetse, le ditlamorago tsa tsona.
- A tlhagise maitemogelo le maikutlo a gagwe mo motsotsong oo.
- A sobokane dintlha le go supa kemo ya gagwe kwa bokhutlong.

[50]

1.2 Tlhamo Tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Letsatsi Iwa nthha ke kopana le rre.**

Dintsha tse di latelang di tshwanetse go elwa tlhoko fa go tshwaiwa tlhamo tlhaloso:

- Ditiragalo di tshwanetse go latelana sentle, mme mmuisi a dumele gore motlhathhojwa o tshwanetse go bopa setshwantsho ka setlhogo se a se filweng.
- Motlhathhojwa a tlhophe mafoko le tiriso ya mafoko a a bontshang maikutlo ka kelotlhoko go ntsha molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhathhojwa a bontshe fa a na le maitemogelo mo setlhogong se.
- Bokhutlo e nne jo bo kgodisang.

Se se lebeletsweng mo batlhathojweng:

- A kwale ka ga setlhogo se a itlhophetseng sona.
- A tlhalose setlhogo.
- A tlhagise se se tlhotlheleditseng go kopana ga bona.
- A tlhagise letlha, letsatsi, ngwaga le nako e ba kopaneng ka yona.
- A tlhagise ditlamorago tsa kopano mo matshelong a bona.
- A tlhagise maikutlo a bona ka ga kopano eo.
- A supe nthakemo ya gagwe kwa bokhutlong.

[50]

1.3 Tlhamo ya maitlhomo

Mo mofuteng o wa tlhamo, motlhathhojwa o leba kakanyo, a bo a tlhagisa maikutlo/tsibogo ya gagwe. Motlhathhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhomo a gagwe.

Sekao sa setlhogo: **Fa letsatsi la lenyalo la me le ka nna monongwaga ...**

Dintsha tse di latelang di tshwanetse go elwa tlhoko fa go tshwaiwa tlhamo ya maitlhomo:

- Tlhamo ya maitlhomo e tsaya letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditihaloso di tshwanetse go bonala, maikaelelo e le go tlhagisa gape maikutlo a motlhathhojwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

Se se lebeletsweng mo batlhathojweng:

- A kwale ka ga setlhogo se a itlhophetseng sona.
- A motlhathhojwa a phutholole setlhogo.

- A tlhagise mofuta wa lenyalo.
- A tlhagise dintlha tse di amang batlamoletlong mabapi le melao le melawana ya COVIL-19.
- Tlhagiso ya dilo tse motlhatlhojwa a lebeletsweng go di tlhokomela jaaka:
 - Diaparo tsa lenyalo
 - Mokgabiso wa lefelo la lenyalo
 - Dijanaga tse di tsamaisang banyadi.
 - Dijo tse di tlaa bong di jewa.
 - Bafelegetsi, ba bogwe/bogadi, masika le ditsala.
- Bokhutlo e nne jo bo sobokanyang maitlhomo e bile bo kgotsofatsa.

[50]

1.4 **Tlhamo e e sa tseyeng letlhakore**

Mo tlhamong e, motlhatlhojwa o tlisa tekatekano mo matlhakoreng otlhe a dingangisano. O leba matlhakore otlhe a setlhogo a bo a tlhagisa dintlha tsa thulano a sa tseye letlhakore.

Mothatlhojwa a ka tlhagisa ntlhakemo ya gagwe, mme go na le tekatekano ya dintlha tse di emevelang setlhogo le tse di leng kgatlhanong le sona e bile di sekasekiwa mo tsamaong ya kwalo ya tlhamo.

Sekao sa setlhogo: **A go fepiwa ga barutwana kwa dikolong go botlhokwa?**

Dintlha tse di latelang di tshwanetswe go elwa tlhoko fa go tshwaiwa tlhamo e e sa tseyeng letlhakore:

- Tlhamo e tlhagise matlhakore a le mabedi, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopu.
- Tlhagisa dikakanyo gentle e bile o di tshegetse
- Dira gore go dumelanwe le wena gape o se ineele bonolo.
- Puo e tsose maikutlo, mme motlhatlhojwa a se ka a tlhoka maitseo.
- Popego e rulagane ka kelotlhoko le ka tlhomamo e lebeletse kemo ya botlhhe.
- Tlhagiso e nne e e tswileng diatla go supa tlhaloganyo e e utlwlang.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumalana le e e tlhagisitsweng.
- Tlhamo ya mofuta o, e kwalwe ka pakajaanong.

Se se lebeletsweng mo batlhatlhojweng:

- A kwale ka ga setlhogo se a itlhophetseng sona.
- A tlhalose setlhogo.
- A tlhagise dintlha tse di supang matlhakore a mabedi ka go fepiwa ga barutwana kwa dikolong.
- A tlhagise matlhakore a mabedi mabapi le maikutlo a gagwe ka thulaganyo e.
- A sobokanye dintlha le go supa kemo ya gagwe kwa bokhutlong.
- Bokhutlo e nne jo bo kgodisang.

[50]

1.5 Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlhomo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa lethakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Basadi ke baeteledipele ba tlhwotlhwa. Dumela kgotsa o ganetse.**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimololedi.
- A neye mefutafuta ya dingangisano go tshegetsa ntlhakemo ya gagwe, mme a tlhalose se.
- Tlhamo e tlhagise lethakore le le lengwe, mme dikakanyo di tlhagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang e bile e pateletsa mmuisi go dumelana le tse di tlhagisitsweng.
- Tlhamo ya mofuta o e kwalwe ka pakajaanong.

Se se lebeletsweng mo batlhatlhojweng:

- A kwale ka ga setlhogo se a itlhophetseng sona.
- A tlhalose setlhogo le tlhagiso ya ntlhakemo ya gagwe, a e dibele ka bosupi jo bo rileng.
- A tlhagise dikao tsa ditiro tse di supang le go tshegetsa ntlhakemo ya gagwe.
- A tlhagise melemo le ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go tshegetsa ntlhakemo ya gagwe.

[50]

1.6 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **O se bone nong go rakalala godimo, go ya tlase ke ga yona.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle, mme mmuisi a dumele gore di diragetse.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monkgo le tiriso ya ditemosi tse dingwe.
- Bokhutlo e nne jo bo kgodisang.

Se se lebeletsweng mo batlhatalhweng:

- A kwale ka ga setlhogo se a itlhophetseng sona.
- A tlhalose setlhogo ka botlalo.
- A tlhagise ditiragalo tse di bontshang gore nong le fa e ka fofela kwa godimo jang e tlaa feleletsa e tlile fa fatshe.
- A bontshe ditiragalo tse di ka fofisang motho le tse di ka mo tlisang fa fatshe.
- A tlhagise maikutlo a gagwe ka se a se ithutileng.
- Tiriso ya mafoko a a tlhagisang pono, modumo le kutlo go tlhalosa se se diragetseng.
- Bokhutlo e nne jo bo kgodisang

[50]

1.7 **Ela tlhoko:**

Tshedimosetso e e latelang e dirisiwe go tshwaya potso ya setshwantsho e bong, 1.7.1 le 1.7.2, e e ka nnang tlhamo ya kanelo kgotsa ya tlhaloso.

1.7.1 **Tlhamo ya tlhaloso**

le

1.7.2 Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho**.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhathhojwa o tshwanetse go bopa setshwantsho ka mafoko.
- Motlhathhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe.
- Motlhathhojwa a bontshe fa a tlhaloganya setshwantsho.

Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho**.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana gentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka bottlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe go elwe tlhoko gore mofuta o wa tlhamo o a anela.

Se se lebeletsweng mo batlhatlhojweng:

- Setlhogo se nyaleane le setshwantsho se a se ithophetseng.
- A tlhalose setlhogo ka bottlalo.
- A tlhagise ditiragalo tse di amanang le se se tlhagelelang mo setshwantshong.
- Tiriso ya mafoko a a tlhagisang pono, modumo le kutlo go tlhalosa se se diragalang mo setshwantshong.
- A supe boitshimololedi.
- Thotloetso ya baagi go diragatsa kgotsa go efoga se se tlhagisiwang mo setshwantshong.
- Bokhutlo bo supe maikutlo a gagwe.

[50]

PALOGOTLHE YA KAROLO YA A: **50**

KAROLO YA B: DITLHANGWA TSA TIRISANO**POTSO 2****2.1 LEKWALO LA BOTSALENO**

Lekwalo la botsalano ke le le kwalelwang motho mongwe yo o rileng, e ka nna wa lesika kgotsa tsala go tlhaeletsana jaaka go leboga, itsise, kopa, keleletsomasego, jalojalo.

Dintlha tse di tshwanetseng go elwa tlhoko fa go tshwaiwa lekwalo la botsalano:

- Lekwalo le, le le khutshwane le neela dintlhakgolo ka se o buang ka ga sona. Palo ya mafoko a lona ke 180–200 diteng fela.
- Le supe maikutlo a mokwadi fela le se ka la teba thata.
- Le se ka la nna le diphoso tsa mofuta ofe.
- Le fe tshedimosetso ya se go buiwang ka ga sona.
- Aterese ke ya mokwadi fela.

Se se lebeletsweng go tswa mo batlhatlhøjweng:

- Aterese e nne nngwe, ya mokwadi.
- Ditumediso di kwalwe.
- A tlhagise maikutlo a gagwe, leina la yunibesithi le letlha le a yang go simolola ka lona.
- A tlhagise dithuto tse a tlileng go di tsenela.
- A tlhagise maitsholo a gagwe kwa yunibesithing.
- A thadise tsela e a yang go dirisa nako ka yona mo dithutong go fitlhelela maitlhomo a gagwe.
- Bokhutlo e nne jo bo maleba ka se se soloftsweng.
- Mokwadi a kwale leina la gagwe fela.

[25]

2.2 MAIKAO (LOKWALOIKITSISO) LE LEKWLALOPHELEGESO

Palo ya mafoko a maikao mmogo le lekwalophelegesoo ke 180-200 diteng fela.

MAIKAO (LOKWALOIKITSISO)

Maikao (Lokwaloikitsiso) ke lokwalo lo lo buang ka botshelo jwa mokwadi. Lo kwalelwang ditheo le mafapha a puso fa mong a batla tiro. Ke tshedimosetso e e kitlaneng e e maleba thata le mofuta wa tiro e e kopiwang.

Dintlha tse di tshwanetseng go elwa tlhoko fa go tshwaiwa maikao (lokwaloikitsiso):

- Neelana ka tshedimosetso e ntsi ka moo o ka kgonang ka teng, e nne e e maleba fela e nne khutshwane.
- Maikao a tshwanetse go kitlana, a tlhamalale le go nepagala.
- Dirisa ditlhogo tse di leng bothho go di buisa le go di tlhaloganya, le diphatlha tse di lekaneng go arologanya dikarolo tse di sa kopaneng.
- Supa bokgoni jwa boeteledipele fa go kgonagala, supa le dikgono tsa go dira ka setlhophla le ka go dira o le esi.
- Leka go dira gore Maikao a gago a farologane le a batho ba bangwe botlhe a a amogetsweng ke bathapi.
- Maikao a gago a bopiwe go tshwanela ditlhokego tsa tiro.
- A se ka a nna le diphoso tsa mofuta ofe.

Se se lebeletsweng go tswa mo batlhatlhojweng:

- Tshedimosetso ka mong; maina, matsalo, aterese, bong, jalojalo.
- Borutegi
- Tshedimosetso ya dithuto tsa gagwe.
- Maitemogelo a go dira ka madi le batho.
- Dipaki/Basupi ba le babedi.

LEKWALOPHELEGETSO

Lekwalophelegetso le ke lekwalo la semmuso le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe.

Dintlha tse di tshwanetsweng go elwa tlhoko fa go tshwaiwa lekwalophelegetso:

- Lekwalo le, le le khutshwane le na le dintlhakgolo ka ga se se batliwang kgotsa se se kopiwang.
- Le se ka la nna le diphoso tsa mofuta ofe.
- Le nne le tshedimosetso ya se go buiwang ka ga sona.
- Diaterese di nne pedi, ya mokwadi le ya moamogedi.
- Le nne le dinomoro tsa mogala kwa mokwadi a ka fitlhelelwang gona.

Se se lebeletsweng go tswa mo batlhatlhojweng:

- Aterese ya mokwadi le ya moamogedi.
- Setlhogo sa lekwalo se tlhagise tiro e kopo e e direlwang.
- Ditumediso di kwalwe.
- Kopo e tlhagisiwe ka botlalo le ka boikobo.
- Thadiso ka ditlhokego tsa tiro.
- Bokhutlo e nne jo bo maleba ka se se soloftsweng.
- Tlhagiso ya leina/ditlhakaina le sefane. Dinomoro tsa mogala.

[25]

2.3 PEGELO

Pegelo e kwalelwang setheo se se rileng, mothatlhojwa o neelana ka diphitlhelelo le dikatlenegiso tsa se a neng a laetswe go se dira. Palo ya mafoko a yona e nne 180–200 diteng fela.

Dintlha tse di tshwanetsweng go elwa tlhoko fa go tshwaiwa pegelo:

- Leina la Mokgatlho le moamogedi di tlhagisiwe.
- Setlhogo sa pegelo se bolelwe ka botlalo gore go begwa ka ga eng.
- E kwalwa ka pakapheti.
- Motlhathojwa a tlhagise diphitlhelelo le dikatlenegiso.
- Motlhathojwa a kwale leina la gagwe ka botlalo a be a saene, a supe tiro kgotsa maemo a gagwe le letlha le a kwadileng pegelo ka lona.
- E se ka ya nna le diphoso tsa mofuta ofe.

Se se lebeletsweng mo motlhathojweng:

- Setlhogo se kwalwe.
- Motlhathojwa a tlhagise tshedimosetso ya lefelo le letlha la dipatlisiso.
- A tlhagise tshedimosetso mabapi le ditlhogo tse di latelang: dintlha tsa tebo, tsamaiso, diphitlhelelo, bokhutlo le dikatlenegiso.
- Bokhutlo e nne jo bo soloftsweng.

[25]

2.4 ATHIKELE YA MAKASINE

Athikele ya makasine ke karolwana ya makasine e batho ba kwalang dikgang dingwe kgotsa ba bega sengwe gore se buisiwe ke botlhe.

Dintlha tse di tshwanetsweng go elwa tlhoko fa go tshwaiwa athikele ya makasine:

- Kgang e neelwa setlhogo se se itlhalosang e bile se gogela.
- Motlhathhojwa o na le kgololosego ya bobegakgang.
- Palo ya mafoko a lona ke 180-200 diteng fela.
- O patelesega gore kgang ya gagwe e ngokele, mme e sa nyeletse bonneta jwa kgang.
- Temana ya ntlha e tshwere bontsi jwa dikgang gonne e araba dipotso Kae? Mang? Leng? Jang? E tlhagisa dilo tse di tlhogegang gore mmele o itekanele.
- Leina la mokwadi le tlhagisiwe kwa tshimologong ya athikele.
- E se ka ya nna le diphoso tsa mofuta ofe.

Se se lebeletsweng mo batlhatalhujweng:

- Setlhogo se se nang le kgogedi.
- Tlhagiso ya se se abiwang ka botlalo.
- Thadiso ya ditiragalo tsa letsatsi leo ka botlalo (sk: baabelwa, dibui tse di farologaneng).
- Tlhagiso ya maina/ ditheo tse di tshegeditseng porojeke eo.
- Bokhutlo e nne jo bo sololetsweng.

[25]

2.5 PUO

Puo ke karolo e e botlhokwa ya go fatlhosa. Mo mabakeng a mantsi motho o neelana ka puo mo dikopanong kgotsa meletlong. Puo ya go bua le setšhaba e farologana le ya go bua le setlhotschwana sa batho.

Dintlha tse di tshwanetseng go elwa tlhoko fa go tshwaiwa puo:

- Matseno, mmele le bokhutlo.
- Maikalelo a puo.
- Dintlha di se ke tsa phatlhalala.
- Dipolelo tse dikhutshwane ka dikakanyo tse di bonolo.
- Tiriso ya dikao tse di tlwaelegileng.
- Maikutlo a mmui.
- Palo ya mafoko a yona ke 180–200 diteng fela.
- Tiriso ya puo e senole kgolo, go se nne le ditlhapa le tshotlo.
- E se ka ya nna le diphoso tsa mofuta ofe.

Se se lebeletsweng mo batlhatalhujweng:

- Setlhogo sa puo.
- Ditumediso go bareetsi le ditebogo tsa ba ba tlileng kopanong.
- Tshimologo e nne maatla, e ngoke theetso. E ka nna motlae kgotsa nopololo.

- Tlhagiso ya puo e e rotloetsang bareetsi/ barutwana-ka-wena.
- Thadiso ka ga se se go tlhotlheleditseng mo bokwading le kemonokeng e o e boneng.
- Dikatlanegiso tse di ka lebelelwang go fitlhelela se se fitlheletsweng.
- Bokhutlo e nne jo bo maleba ka se se soloftsweng.

[25]

2.6 POTSOTHERISANO

Potsotherisano ke kopano e e rulaganeng e mo go yona go nang le yo o bodiwang dipotso go fitlhelela tshedimosetso ka sengwe se se rileng. Potsotherisano ke mokgwa o o dirisiwang gantsi go batla tshedimosetso mo go mongwe ka ga sengwe se a se dirang. Palo ya mafoko e nne 180-200 diteng fela.

Dintlha tse di tshwanetseng go elwa tlhoko fa go tshwaiwa potsotherisano:

- Setlhogo se supe gore potsotherisano ke ka ga eng.
- Kagego e nne ya mmuisano.
- Maina a dibui a tshwanetse go tlhagelela sentle.
- Batlisisa ka ga motsenela-potsotherisano ka go mmotsa dipotso.
- Dipotso di nne dikhutshwane mme dikarabo tsa motsenela-potsotherisano di ka nama.
- E se ka ya nna le diphoso tsa mofuta ofe.

Se se lebeletsweng mo motlhatlhøjweng:

- A botse dintlha ka botlalo ka ga kemiso ya thefosano ya go tsena ga dikolo.
- A naye dikarabo tsa motsenela-potsotherisano morago ga potso nngwe le nngwe.
- A tlhagise puisano le tlhogo ya sedika mabapi le dithulaganyo tse di dirilweng ke sekolo go efoga kanamo ya COVID-19.
- A go nne le kelelo ya dipotso le dikarabo.
- Bokhutlo e nne jo bo maleba ka se se soloftsweng.

[25]

PALOGOTLHE YA KAROLO YA B:	50
PALOGOTLHE YA TLHATLHOBO:	100